



CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-04/2-04-44486/21
Sarajevo, 06.12.2021. godine

Na osnovu člana 17. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, br. 2/12,41/12,8/15, 50/20,51/20 i 14/21), člana 11. stava (1) t. 1) i 8) Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“, broj: 15/05), čl. 9. stav (2) i 24. stav (3) Zakona o raseljenim osobama – prognanicima i izbjeglicama – povratnicima u Kantonu Sarajevo („Službene novine Kantona Sarajevo“, broj: 27/05 – Prečišćeni tekst) i Uredbe o načinu ostvarivanja pomoći za održivi povratak („Službene novine Kantona Sarajevo“, br. 3/14, 30/17 i 43/19), ministrica za rad, socijalnu politiku, raseljena lica i izbjeglice Kantona Sarajevo d o n o s i

ODLUKU

o raspisivanju Javnog poziva za podnošenje prijava za ostvarivanje finansijske pomoći za održivi povratak za povratnike u Kanton Sarajevo i van Kantona Sarajevo

I

(Predmet)

(1) Ovom odlukom odobrava se raspisivanje Javnog poziva za podnošenje prijava za ostvarivanje finansijske pomoći za održivi povratak za povratnike u Kanton Sarajevo i van Kantona Sarajevo (u daljem tekstu: Javni poziv), i to za:

- a) projekte izgradnje, sanacije i rekonstrukcije infrastrukture u mjestu povratka,
- b) manje popravke stambenih jedinica u mjestu povratka,
- c) razvoj poljoprivrede za potrebe korisnika i članova njegovog domaćinstva,
- d) nabavku prehrambenih artikala,
- e) kupovinu školskog pribora i knjiga i
- f) druge namjene koje su od važnosti za održivi povratak.

II

(Sredstva)

Sredstva za realizaciju finansijske pomoći po osnovu Javnog poziva iz tačke I ove odluke osigurati će se iz Budžeta Kantona Sarajevo za 2021. godinu, u razdjelu Ministarstva za rad,



socijalnu politiku, raseljena lica i izbjeglice Kantona Sarajevo, na poziciji NAM 044 – Raseljena lica i izbjeglice.

III

(Pravo prijave)

(1) Pravo prijave na Javni poziv iz tačke I ove Odluke ima:

- a) lice koje se dobrovoljno vratilo i prijavilo prebivalište u mjesto prijeratnog prebivališta u Republiku Srpsku, Federaciju Bosne i Hercegovine i Brčko Distrikt Bosne i Hercegovine i koje je imalo boravište u Kantonu Sarajevo po osnovu statusa raseljenog lica,
 - b) lice koje se dobrovoljno vratilo i prijavilo prebivalište u mjesto prijeratnog prebivališta u Republiku Srpsku, Federaciju Bosne i Hercegovine i Brčko Distrikt Bosne i Hercegovine i koje je imalo prebivalište u Kantonu Sarajevo, kojem je prethodio status raseljenog lica,
 - c) opština u kojoj lice iz tač. a) i b) ovog stava ima prebivalište i
 - d) vladine i nevladine institucije, ustanove i organizacije od značaja za održivi povratak.
- (2) Aplikanti mogu aplicirati samo za jedan od navedenih programa. Ukoliko budu aplicirali za više od jednog programa prijava neće biti uzeta u dalje razmatranje.

IV

(Kriterij i dokazivanje ispunjenosti kriterija za sve korisnike pomoći)

Kriterij za odobravanje pomoći po Javnom pozivu utvrdit će se u Javnom pozivu.

V

(Opći kriteriji i dokazivanje ispunjenosti kriterija za korisnike pojedinačnih vrsta pomoći)

Ovom Odlukom utvrđuju se opći kriteriji i dokazi o ispunjavanju općih kriterija za korisnike pojedinačnih vrsta pomoći

VI

(Sadržaj Javnog poziva)

Javni poziv iz tačke I ove Odluke obavezno sadrži:

- predmet Javnog poziva,
- korisnike,
- vrijednost novčanih sredstva koja je namijenjena za pomoć,
- opće i posebne kriterije za odabir korisnika i dokazivanje ispunjenosti istih u skladu sa Uredbom i ovom Odlukom,
- rok i način dostavljanja prijave na Javni poziv,
- obavještenje na koji način će korisnici biti obaviješteni o rezultatima odabira,
- pouka o pravnom lijeku na rezultate odabira korisnika po osnovu Javnog poziva.

VII

(Rok i način objave Javnog poziva)

(1) Javni poziv iz tačke I ove Odluke raspisuje se nakon stupanja na snagu ove Odluke, a objavljuje se u jednom dnevnom listu, na oglasnoj tabli Kantona Sarajevo i na internet stranici Ministarstva za rad, socijalnu politiku, raseljena lica i izbjeglice Kantona Sarajevo.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1



(2) Rok za podnošenje prijava je 10 (deset) dana od dana objavljivanja.

VIII

(Tijelo nadležno za ocjenu prijava i postupak odabira korisnika)

- (1) Postupak ocjene pristiglih prijava i odabira korisnika po osnovu Javnog poziva provodi Komisija za odabir korisnika koja se sastoji od najmanje 5 (pet) članova, državnih službenika Ministarstva za rad, socijalnu politiku, raseljena lica i izbjeglice Kantona Sarajevo koju odlukom imenuje ministrica za rad, socijalnu politiku, raseljena lica i izbjeglice Kantona Sarajevo (u daljem tekstu: Komisija).
- (2) Način rada i zadaci Komisije za odabir korisnika utvrđuju se odlukom iz stava (1) ove tačke.

IX

(Postupanje po prigovoru)

(1) Na odluku Komisije aplikant ima pravo prigovora ministrici u roku od tri dana od dana dostavljanja odluke.

(2) Odluka ministrice po prigovoru je konačna.

X

(Stupanje na snagu)

Ova Odluka stupa na snagu danom donošenja, a objavit će se u "Službenim novinama Kantona Sarajevo".



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1

